

Famia Ponson a habri Do it Center na Shaba



ORANJESTAD (AAN): Na 2010 trabounan a cuminsa pa expande e actual General Store na Camacuri. E demanda pa material di construccion riba nos isla ta

keda uno grandi.

Den reunionnan cu Do It Center na Merca a yega na un deal pa habri un sucursal aki na Aruba. A sondea algun posibilidad unda pa bin cu e

Do it Center. Noord tabata e lugar ideal y a scohe un tereno grandi na Shaba pa haci esaki e lugar unda lo construi edificio.

Den un aña a logra



completa construccion di Do it Center. Un inversion misionario di un edificio di mas cu 8000 m2 y un total di 100 empleado. "Mi kier a bisa Danki na tur persona cu a yuda cu e habrimento di e lugar aki" tabata e palabranan di Kenneth Ponson cu ta Director General di e negoshi.

Erin Ponson tabata e visionario pa muda General

Store pa Steenweg despues na 2007 a muda pa Camacuri. Tur departamento tabata bou un solo dak y ademas a habri un cafeteria cu a resulta hopi exitoso.

Tom Barfeld di Do it Best Corp tabata presente na e apertura, a haci un entrega di un plakaat. "No tin mihor tienda di Do it Best Center como esun aki na Aruba" E corporacion tin tiendanan tur parti mundo. "Cu na Aruba por tin e tipo di empresarionan aki, cu ta tuma e riesgonan aki, nos mester ta sumamente orguyoso cu yiunan di tera por a realisa edificionan manera esun aki" Prome Minister Mike Eman a remarca y desea exito na famia Ponson.

Yiunan di Claudia y Kenneth Ponson, esta Mila y Keith for di exterior (un na Costa Rica y otro na Merca) tambe a uni nan mes cu e bon deseonan y a laga entrega un bouquet di flor na famia aki na Aruba. Esaki sigur a bira un momento hopi emocional.

Na final di tur e discursonan a corta e sinta y habri porta oficialmente di Do it Center meymey di un multitud di hende.

E tienda tin tur sorto di herment, articulonan electronico, pa cas, hardin, materialnan di construccion y te hasta coy hunga. E tienda a keda completamente yen di hende riba su prome diasabra anochi di benta.

**Telefonnan
di DIARIO
582-6747
Fax
582-8551**